

Ўр Кагаев—нертә шофер

Сарпинск района, „Сарпинский“ совхозин шофер ўр И. Н. Кагаев государствд буудя зöблгънә кöдлмшт йилгъән сәәнәр кöдлджәнә.

Эн шофер ГАЗ-51 гидг ачлгъна автомашигъяр öдртән 433 тонн-километр кех кемджәтә бәәсн болхла, 869 тонн-километр кегъад, öдр болгън 29 тонн буудя элеваторур зöбджәв.

Ягъад иим күцлмүдтә болв гихлә, ўр Кагаев эврәннь машиндән горюч икәр авхин төләд бәәх бак деерән хойрдгч бак келж авб. Урднь нег бак горюч зуг 350 километр күрдг билә, ода болхла хойрдгч бак кеснә учрар öдртән 700 километр кегъад, буудя

белдлгънә газрт 30 тонн буудя ачдж күргнә.

Öдрә кемджәгъән 2-3 холван күцәдж йовсн шофер ўр Кагаевд кесг дакдж мөнъгна мөрә öггдв, дакад буудя зöблгънә кемджәгъән давулн күцәснднь 200 килограмм буудя öггдв.

Урднь ўр И. Н. Кагаев Новосибирск областъд шофер болдж кöдләд, кесг дакдж мөнъгна мөрә авсн, дакад нертә шофер йовад „Новосибирск областин сән шофер“ гисн нер зүүсн күн.

Ода Хальмг республикин Деед Советин сунъгъврин öдриг ик күцлмүдтәгъяр тосхар ноолдджана.

П. СКРИНЧЕНКОВ.